


書



林綱齋集序

先生諱環字崇璧別號綱齋永樂丙戌廷試第一人自修撰陞侍講未及十年而卒然以文行老成受知于
文皇帝最深修永樂大典則拔爲總裁遇賓興取士則兩典文衡兼值車駕北巡再列扈從一時文學侍從之臣隆遇寵眷未有出其右者先生之詩文本之以理而克之以氣格致森嚴而清新俊拔不露而華讀之者心目俱開故人

得其片言短韻靡不珍藏之惜其稿散佚過半
令子考城教諭紹遍加尋訪僅增什之六七而
已有志刻板未就而卒而紹之二子師游師召
師參皆以科目而主教席信乎先生家學之有
源委也師召承厥先志將以先生詩文鈸傳于
世乃屬某而為之序其概如此

成化十三年歲次丁酉季春河南按察司副使
泰和歐陽熙撰

石倉十二代詩選

明詩卷之四十五

綱齋集

大明

莆田林環著

後學曹學佺閱

送宋孔昭還吉水

東風白門道楊柳黃金絲攀轅贈遠行別意愴
臨岐卓犖羨俊才芳年真不羈出門發西嘆策
馬登皇畿笑揖薦紳間駿聲歛以馳相見曾幾
何及茲遽言歸尊酒未盡歡去途念逶遲片帆
掛殘雨滄江浩無涯願為東流水千里遠相隨

送人還廬陵

養素遯丘壑雲松見高情興來發長詠琅琅金石聲
十年湖海上久聞謫仙名翹跡不可見懷人阻遐征
昨聞觀光來曳裾金陵城館閣多故人交衣襪有諸生
矧茲粉署郎祿養時所榮凌雲未遂願胡乃遽言行盤
洲多奇勝山水秀以明三徑別來久松筠晚青青
臨多暇時足以娛暮齡祖席阻同宴贈言愧

英田

送鄭九韶之封川教諭

分韻得白下垂楊

白門何迢迢青煙拂楊柳慘淡涼雨餘蕭颯西風後
長條秋復春幾對離人酒折之贈遠行忽忘重攜手

送僧還閩

出世離塵垢遊方蹻隨緣却如無心雲出山復還山
泉石想舊遊煙蘿翳松關了知靜中意頗愜物外觀
三生契玄談臨別重流連獨鶴去無迹落日江天寒

題秋塘鵲鴿

歷代詩選
明林崇璧
二
落日秋水寒霜空荷葉乾飛鳴不相離雙栖綠
池間照影弄顏色有如競華鮮在原懷遠意因
之發長嘆

題蘭

空林閒無人愛此幽草芳光風泛叢綠猗猗煙
葉長執衽擷其英露氣襲襟裳緬懷紉佩者千
載那能忘白石生深林託根有叢芳幽艷間深
翠清風任披揚蕭艾誰與羣不能化其臧却笑
桃李花冶麗爭春陽

題畫竹

嶰谷春已深煙雨何冥冥蕭然青琅玕上有孤
鳳鳴清風不時來忽聞環珮聲緬懷伶倫子千
載已遐征誰能截鳴律吹向軒轅庭

題思親圖

親恩猶昊天欲報嗟罔極菽水宜屆期庶以供
子職胡爲簪纓縻一別千里隔音問曠星霜定
省黎朝夕雖懷翩離念馳驅竟何益幾回陟高
岡引睇楚山碧親容不及覩空見孤雲白誓欲

遠從之恨無冲霄翼矧茲王事勞鞅掌不遑息
君親致匪殊忠孝道本一不見秋懷英聲名獨
輝赫願言企前修千載揚休績

題友城西讀書處

美人富才華卓犖時罕儔卜居得幽勝乃在城
西頭杜門謝塵喧豈學隱者流振衣賦採芹還
從泮水遊道腴每嚙齋聖涯時詠游倦來卽掩
卷物景長與謀山色到庭晚泉聲落澗秋時聞
聽幽鳥花外相喧啾持此每自適雅懷獨悠悠

人生貴激昂寧肯久淹留矧子青雲器正當學
而優佇看早騰騫庶以追前修

題林泉清致

城頭片雨過玉署無纖塵披圖見林壑忽憶山
中春垂蘿翳衡門往來無雜賓時將煙霞侶兼
之泉石隣覽勝每獨往或逢漁釣倫晤言契清
賞頗覺日相親豈不眷疇昔懷哉古天民寄聲
謝猿鶴誰歟箕穎人

又

春山佳氣多白雲滿芳樹幽徑絕塵蹤落花映
深戶微雨洒林落東風長蘭步之子招不來滄
洲日將暮

題黃啓晦百牛圖

昔我東山居荷鋤事農耕三時有暇日放牛滿
郊垌依依芳樹陰萋萋煙草青野斲恣所往愛
此風日晴遠坡每羣趨空原時獨行前溪足新
雨牽飲上流清牛性日已馴牧閒無所營捲蘆
作短笛吟雜童謳聲相將晚來歸月色孤村明

以茲樂生事外物焉足嬰別來幾春秋石田想
榛荆惟魚每入夢彷彿東臯平披圖見犍犢蔽
野何縱橫吟望夕陽山因之發遐情

挽梁修撰父

霜露晚淒厲叢蘭殞其芳隱憂念所懷耿耿鬱
中腸有形會歸盡旦夜乃其常所惜在遠韻毀
茲金玉傷松楸起寒雲空原俱蒼茫九返不可
招臨風獨徬徨

吏部孫主事龍津清曉圖

悠悠龍津水遠自盧峰來蜿蜒走溪壑勢與山
俱迴麓斷衆山盡忽看天鏡空澄波湛寒月萬
景含鴻濛此時得真賞如游元化初振策起沙
鳥數里見潭魚微風林下來吹動浮雲影靈氣
襲蘭襟洒然異人境竭來京國遊歲國隨奔川
幾迴故鄉夢飛落陶南天舉首不可見思之空
留情寄聲謝鷗鷺愧負滄洲盟

題萬竿煙雨圖

濕雲凝煙吹不起寒影半沉湘江水湘妃瑤瑟

悲夜長散作雨聲蒼茫裏杜鵑怨春春始歸新
妝翠袖啼娥看愁魂飛去人不知鸞珮墜地搖
參差披圖却憶長相思扁舟落日零陵祠

題王晉卿春曉圖

憶昔扁舟經洞庭夜涼落月潮水平舟行數里
不知遠隔林隱隱聞雞聲推篷起視西山麓煙
景微茫接溪曲芳草依稀謝眺村綠樹深沈子
真谷須臾旭景開曠曠千山萬山圖畫中誰家
樓閣依晴翠朱門繡幕垂東風樓外園林春已

遍樓中美人夢初斷
疎簾半捲落花深
年華却逐鶯聲換
別來煙月幾經秋
楚天西望空生愁
玉堂此日見圖畫
彷彿湖山曾舊遊
何時拂衣賦歸去
孤棹還尋舊遊路
雨過芳洲春水深
更擬寒裳採芳杜

紫帽雲松圖

巍巍紫帽峰聳翠
何盤鬱天地鍾
秀竒鬼神護靈窟
原頭突見若堂封
精魂出入無尋蹤
已覩騰空見佳氣
更憐落日生愁容
陰雲黯慘結空

曠長松蕭颯西風勁
荆蔓深愁兔穴藏
崗嶺猶瞻石麟竝
嗟哉欲養已無期
流年況復成推移
草木猶傷望中意
霜露那堪死後思
方君此哀我亦有埋玉空山痛
應久夢魂夜夜繞雲松
爲問方君曾爾否

題望雲思親圖

涼飈拂林黃葉飛
愁心斷絕江天涯
南音幾度寄秋思
故國欲歸仍未歸
竭來時陟北山北
目斷孤雲幾千里
音書久曠南飛鴻
鄉心每逐東

流水懷哉歲月成蹉跎庭闈垂老白髮多宦程
況復隔淮越夕陽芳草情如何那堪論
丈夫爲國須致身君不見太行立馬一回首至
今猶記河陽人

雙清軒爲趙府王引禮賦

雙清者湖與竹也

月湖一泓天鏡光湖上居人臨水傍綠堤不種
桃與李春風繞舍琅玕長晴雲低拂蒼波淺坐
來引興瀟湘遠涼氣常涵碧樹秋清陰每落漁
磯晚由來清景難久留曳裾今向王門遊身依

薊北關山迥夢落閩南煙雨愁家林猶喜未哀
歇客路不須嘆離別他年當乞鑑湖歸截取長
竿釣明月

題魚荷卷

江天向晚煙漠漠萬頃平波澹寒綠敗荷經雨
翠蓋傾細荇牽風青縷弱碧空倒影浸琉璃隊
隊纖鱗遊碧落雪晴時逐白浪翻月明靜帶浮
光躍君不見層臺嵯峨臨水頭何人更復被羊
裘又不見磻溪春深芳草多只今渭水空東流

感予亦有鷗鳥興滄浪歸夢常悠悠何當結屋
滄江上釣竿長拂蘆花秋

月峰歌爲平山上人賦

月峰歌孤峰壁立何嵯峨遙岑深夜露寒魄碧
空景泛琉璃波禪心自與秋空竝皎潔圓明兩
輝映一毫不擾天境澄萬籟收聲俗囂靜茲山
在錫今幾年上方殊勝猶依然林泉自喜足幽
憇機關已覺忘塵緣九夏三冬戒律精空巖草
木應知名相期後夜訪高致長嘯一聲山月明

送蜀中新寧教諭

白門祖席黃花酒醉唱離歌折楊柳廣文行色
在驪駒僮僕行囊載科斗聞說先生教蜀年蜀
中學者未能先杏館絃歌聲不絕葦庭風月趣
無邊十年不嘆儒官薄却有清名動臺閣天官
課績美雄詞聖主超恩頒教鐸復此尋舟問去
津吳山楚水往來頻春風客路秋衣換曉日圍
林畫錦新荆門西上曾遊處巫峽猿聲自朝暮
對酒休歌蜀道難行人謾說高唐賦百里新寧

歷代詩選 明倫彙編 九
寂寞濱行看教雨及時春君不見文翁遺教傳
今古未必令人愧古人

和魯侍講九竹圖韻

金陵客舍長安陌寸土如金苦嫌窄生平愛竹
負賞心夢裏猶思見顏色誰人磊落獨不羣玉
堂侍講武陵君窗前隙地祇尋丈移得一段湘
川雲九龍山人更才絕瀟洒胸襟貯冰雪醉來
爲掃墨君圖下筆縱橫見奇節琅玕交股鐵作
刀涼吹入戶聲蕭騷清陰常對白日靜修幹直

拂三秋高金鑿朝退頻相過對竹看圖欲忘我
脫却烏紗掛碧枝掃石還因綠苔坐周郎造我
亦何爲高懷似與主人期敲門看竹久未厭便
索此圖而得之鄉山筋竹閩南路每嘆別來春
幾度若能轉贈金錯刀不惜瓊瑤報君去

贈穀城老人

孤青湖平霜鏡如湖上時有高人居春風南畝
見耕犢秋雨華堂聞讀書生平種德老尤力閭
里蜚英方籍籍惟願長延龜鶴齡昨夜星輝映

南極

送林教諭之新塗

拜命之官去憐君最少年
片帆孤鳥外尊酒落花前
教學推胡瑗談經說鄭虔
好爲吾道重無用厭寒氊

送鄭舅力行之德清縣令

相看未一歲兩度送君行
況有渭陽念那堪客裏情
鍾山寒雁斷雲水暮煙晴
蒞政多應暇臨風好寄聲

送人之雅州教官

柳色新未綠春風到幾時
千山憐獨往樽酒不須辭
道在寧憂屈官閒豈厭卑
菁莪歌樂育化洽遠方夷

送宋司獄歸昭陽

朔雪遍河關長亭落照間
幾回天上見獨騎日邊還
驛路分晴樹州城帶遠山
清時民訟簡官舍有餘閒

題鄭彥疇綠野耕叟圖

負郭有先畬南東百畝餘閒雲常繞舍流水自
分渠白髮身宜退黃塵迹已疎誰知城市裏還
似鹿門居

題靈雲岩

還浮春不遠前棹入花林忽見冰霜色應知天
地心香隨明月度影落碧波深更似攜餘興山
中賦獨尋

題瑞龍寺

踏雨來相訪雲歸曉入城山空龍窟冷雪霽覘

宿明草軟煙波綠牛閒鐵笛清老禪何所有只
此足平生

居庸疊翠

積翠岌嶷北斗傍雲開千疊錦屏張連峰上接
中天近絕巘遙臨朔漠長雪後煙嵐分秀色春
來草木帶恩光太平四海無烽警不數秦關百
二強

玉泉垂虹入宮闈天黃山對河漢流
浮花濺玉落崔嵬迥出千巖去不廻白日半空

歷代詩選 卷四十五
凝雨至青林一道見煙開月分秋影雲邊去風
送寒聲樹杪來流入宮墻天漢近還同瀛海繞
蓬萊

○太液晴波 太平四成 萬壽宮 小建 太廟 百

池頭旭日散輕煙開鏡清光近九天翠柳條長
經雨後綠蘋香暖得春先御溝流出通金沼仙
派分來自玉泉在鎬幾回陪宴樂詠歌魚藻繼

周篇

○盧溝曉月

疎星寥落曉寒淒月色沙光入望迷野戍連雲
寒見雁人家隔水遠聞雞波間素采涵秋淨天
際清光映樹低馬上曾驚殘夢斷鐘聲遙度禁
城西

○金臺夕照

高臺曾此置黃金人去臺空碧草深落日未窮
千里望青山遙映半城陰雁將秋色來平野鴉
帶寒光過遠林昭代賢才登用盡不須懷古動
長吟

和胡學士冬至後六日遊牛首佛窟寺

松下禪扉晝不關垂蘿應許世人攀黃龍說法
諸天在白馬馱經幾日還近戶泉聲晴雪後隔
林僧影夕陽間寧須久住煙霞樂暫得尋幽卽
是閒

題西又

蒼苔石逕路依微絕頂風高落木稀坐見平原
千騎合行逢古寺一僧歸松聲聽處都忘倦塵
慮消來頓息機巖畔不知禪衲定雨花空着薜

蘿衣

送族叔致雍

鄉園落日思悠悠歲晏憐君賦壯遊梨嶺已看
唐事業竹林還想晉風流樓高五鳳雲中見江
濶孤帆雨外收壯志青雲當磊落征車萬里莫
淹留

題道士行樂園

洞裏煙霞幾許年胸中梨棗得真傳還家喜見
青牛在渡海仍看白鶴還足跡未窮三島外夢

魂先到五雲邊丹臺準擬通仙籍早晚丹書下
九天

題王孔泰山水小景

綠樹晴陰合衡茅清晝餘獨憐杜陵客村塢類
貧居

又

秋思嗟離索行尋舊隱棲白雲隨杖屨飛過畫
橋西

題山水圖

青山幾里入煙霞杖屨尋春未覺賒流水小橋
村路晚隔林應有野人家

又

茅屋蕭條野水濱柴門長掩碧蘿春別來泉石
知無恙回首青山憶故人

題王孔泰山水小景

雨過香浮杜若洲杖藜偏似少陵遊數聲啼鳥
東風外綠樹晴煙何處樓

題秋江晚渡

長江渺渺白蘋洲
落葉西風動客愁
潮水欲平人問渡
數聲寒雁落沙頭

題墨竹

森森萬玉翠含滋
渾似瀟瀟雨後時
吹斷玉簫寒月白
一庭清影鳳來遲

又

曾記吹簫學鳳鳴
碧雲深處度秋聲
誰移一片瀟湘影
寫作江南萬里情

又

扁舟昔日渡三湘
兩岸蕭蕭鳳尾長
獨對此君官舍晚
空階猶帶楚天涼

題竹木圖

葉下西風片雨青
玉堂人靜酒初醒
扁舟却憶經行處
湘水寒煙接洞庭

題畫牛

春滿空原草色深
烏犍追逐過遙岑
半村殘照人家晚
似恐天寒去路陰

題扇面小景

垂蘿庭院晝深沈別後俄驚歲月深琴劍未歸
猿鶴老幾回清夢遶長林

又

野色蒼茫散夕暉綠蘿門巷往來稀扁舟時有
同懷者不負青山雪後期

石倉十二代詩選

明詩卷之四十六

左司集

大明

句容孫炎著

後學曹學佺閱

迎日詞

鳳炙兮麟脯瑤席兮桂俎樂萬舞兮如雲吹笙
竽兮龍二女干予予兮載以輿六蒼虬兮歷天
衢雲霏霏兮夜未艾執長轡兮久相待

題好溪圖送憲使黃繼先

君乘馬望君下栝蒼來君乘舟望君來好溪頭

好溪水生玳瑁魚好溪水生明月珠好溪水生
青珊瑚使君來此月再樞惟飲此水無一需使
君之清水不如臨別贈君青絲轡隨君馬頭行
萬里相思之心有如水

宛轉詞

流黃機響春閨織成幼時華綵衣玉爲容水爲
瞳二十嫁與梁家鴻妾鼓瑟郎鼓琴海枯石爛
同一心雲母屏夜向冥郎是明月妾是星鞭珊
瑚障流蘓郎騎高馬妾坐車女蘿枝延兔絲綿

纏到老郎自知徑寸珠水中居團圓到老妾不
知
不贈黃練師

留侯弟子有初平九歲從師住玉京天與數書
皆鳥跡家傳一劍是龍精瑤池桃實無消息海
水桑田又淺清我爲紫芝歌此曲夜深相答洞
簫聲

龍灣城

龍灣城壯如鐵城下是長江城頭有明月月色

照人心不移江水長流無盡時

寶劍歌

寶劍光耿耿佩之可以當一龍只是陰山太古
雪爲誰結此青芙蓉明珠爲寶錦爲帶三尺枯
蛟出永海自從虎革裹干戈飛入芒碭育光彩
青田劉郎漢諸孫傳家惟有此物存匣中千年
睡不醒白帝血染桃花痕山童神全眼如日時
見蜿蜒走虛室我逢龍精不敢彈正氣直貫青
天寒還君持之獻明主若歲大旱爲霖雨

哀孫炎

垂老戎馬間相知復何有幼與孫炎交于今俱
白首炎也雅好詩落魄惟耽酒醉中有神助不
放持杯手才豪不受羈焉肯事田畝精勤脫穎
出盤錯迎刃剖浪迹帝王州結交英俠藪嗜嗜
朝陽桐濯濯新春柳南北暗兵塵妖星下天狗
我皇入金陵一見顏色厚高談天下計響若洪
鐘叩卽拜丞相掾奉身事明后再分太守符兼
綰都官綬括蒼實重地豹虎白日吼皇日汝孫

炎其往總制某再拜謝不敏寵命敢虛受一年
風俗淳二年民物阜三年遠人歸上表請官守
文章曹劉亞政事龔黃右舊歲過金華與炎適
相偶寒燈夜半花春盤雪中甚終宴竟忘疲落
月斜半鹵臨分各上馬攬轡復立久爲言有小
女離家方襁負今來已五周見父能認否未必
到家期封書附姑舅置書篋笥間纔隔兩月後
墨色尚未乾語言猶在口胡爲內變生失我平
生友復恐是夢中仰天當戶牖斗柄昏建辰月
魄夕在酉迺知真死矣慟哭吞聲嘔復聞遇害
時扞刀落雙肘奮怒髮衝冠大罵血漂白維時
東南天彗出芒如帚淫淫苦雨愁溼溼驚電走
魂兮早歸來空山不可徂我過誰與規我病誰
云炙春酒釀薔薇酌子墳山首西京七葉貂裘
落成草莽既有千載名焉用百年壽峩峩馮公
巖與子同不朽

附劉叔讓

廣陵人

憶弟

漂泊嗟吾老，羈遲見汝難。
西風鴻鴈急，落日鶴鴒寒。
渭北書長絕，滇南淚不乾。
朝思無夕夢，懷抱幾時寬。

夜雨述懷

憶昔馳驅不自由，山林猿鶴咲無謀。
十年世事渾如夢，一夜雨聲都是愁。
南詔羈栖傷短髮，東湖寥落憶扁舟。
釣磯別後知無恙，虛負同盟有鷺鷗。

題鎮南門城樓

排空雉堞接層樓，薄暮登臨萬古愁。
紅樹一村蒲甸晚，黃雲滿地夔田秋。
江通平緬蠻煙重，山聳哀牢毒霧收。
極目鄉關何處是，西風衰草思悠悠。

送吳素齋還淮安

誰識齋居托意深，翛然不受一塵侵。
半窗晴旭閑觀易，滿座秋風靜鼓琴。
策馬已聞辭夔道，揚舲還喜到淮陰。
劉伶臺下多春色，行樂應知稱素心。

附遠相

字光古
覃懷人

畫眉

妾欲畫短眉恐不合時伴
妾欲畫長眉恐人笑
疎散請郎臨粧臺
隨意畫長短

舟下淮水

伐鼓下淮津
川光回暮色
數峰雲外青
一鳥沙上白
悠悠水驛浮
颭颭風帆側
舟人不敢停
知

我歸朝客

宿山中寺

山中有蘭若
龍象輝金碧
泉邊佳茗香
竹下幽人迹
堂新瓦易茅
砌古苔侵石
喜爲老僧留
同坐風雨夕

德公院

翛然青蓮宇
水遶山相向
老僧不出門
林下樂清曠
今日有誰來
題詩在竹上

閨怨

露華粉濕啼清曉
井梧涼思風嫋嫋
朱簾不捲玉鈎垂
當窗瑣語青禽小
榴裙半皺睡新起
臨

鏡芙蓉裊秋水侍兒爲整綠雲鬟不使蘭膏汚
織指堂中寶瑟柱新移一曲未終顰黛眉薄情
自是遲歸得翻恨人間有別離

芙蓉辭

碧空零下露溥溥深院風回簾幙寒初日弄光
曲池上琉璃粼瑩雕闌干妖姬睡起淨粧洗顧
影盈盈媚秋水可憐傾國默含情下蔡陽城迷
惑死一咲嫣然忽向人胭脂肌內綠羅裙相逢
不恁遽相捨只恐飛歸化綵雲

使回沂州

穆陵關下路數騎復南歸雲氣來蒙羽人煙入
海沂晚田禾刈盡霜樹葉凋稀家擬明朝到吟
鞭可緩揮

訪友人居

攜書訪故人豈憚往來頻潭淨開天鏡山昏著
霧巾林居常掃葉石徑不吹塵幽僻宜淪隱時
時得句新

郊墟池館

何人小池館閑得在郊墟花晚留棲蝶萍朝見
躍魚山墀滋蘚暈老竹帶垂書自計無錢買憑
誰可借居

晚宿王衡家

應役城中久何能得避喧登樓山遶縣出郭樹
連村魯舍竹松院人家瓜菜園晚來投舊館童
子笑開門

遊廣東清遠峽山寺

寂寂長林下僧房鎖碧苔樹枝猿掛折花片鳥

銜來池溢流過水爐存蕪後灰賦詩殊未就徙
倚故遲回

登浪穹縣護民寺

浪穹西阜寺獨眺有餘情落日秋山色西風古
樹聲征衣憐舊敕客路喜新晴洗鉢焚香事誰
能了此生

遊寺寄統有宗集仲祥

出郭獨閑行招提可散情雲來羣壑暗日下半
川明靜院莓苔色深林鳥雀聲新茶僧採得更

汲澗泉烹

古澗房閑書和韻

禪房碧樹深坐久語幽禽葉罅日穿透林端雲
過陰筆新微蘸墨書故少生蟬僧有思鄉者時
時效越吟

月堂室中閑題

清心投靜室童子啓雲關秋色老棲樹夕陽明
在山高崖泉落響遠漢鳥飛還擾擾紅塵裏無
如僧最閑

簡澤雨田

花時曾惜別菊候又相逢落日深山道清風古
寺鐘往來非定跡彼此是衰容何日隨師去棲
禪共竹松

呂氏水石居

可愛閑居事事幽陰森水石帶林丘風來觸樹
花飄席客到開窗山入樓獨鶴立當生蘚地雙
鷗浮近采菱舟怡怡兄弟同行樂更看詩篇日
唱酬

江堤晚眺

江堤聊上適離情
葭菼無窮一望平
遠樹天邊歸鳥沒
孤村雨外夕陽明
海門帆去衝秋色
沙嘴潮來激怒聲
佇立南雲重回首
依微尚見晉

陵城

呂九水

輒其晚思

斜日下巖柯
山家暗翠蘿
杖藜臨水立
啼鳥在林多
溪上無人渡
秋風揚素波

涉溪

晝涉溪方淺
暮臨溪忽深水
猶如此急安可測

人心

挽遠光古

日本僧大用

氣宇真豪邁
孤超傲世時
冥鴻冲漢志
野鶴出塵姿
筆勢雲煙起
詩名草木知
論交三十載
死別抱深悲

石倉十二代詩選

明詩卷之四十六

終

小會十二九詩畏

則藉卷之四十六

恨鮮無恙

獸交筆獲雲獸賦詩各草木賦篇文二十海成

屏宇真豪數孤豈翅世却冥默中數忘理歸出

斜日餘光古

日本曾大用

秋心溪

畫卷彩式數春湘彩忽我水會破出意安可

尚書詹公傳

公名同字同文新安人元末避亂黃州 天兵

下武昌見 上授國子博士直起居注洪武六

年陞翰林學士承旨兼吏部尚書上言 陛下

起兵渡江以來征討平定之蹟禮樂治道之詳

雖有紀載向未成書乞編日曆藏之金匱傳于

後世 從之命公與宋訥為總裁官書成又分

類更輯聖政為書名 皇明寶訓尋致仕卒子

徽歷官都御史仍為吏部尚書奉職忠勤不替

歷代詩選 明倫彙編

公業云後坐藍黨死

石倉十二代詩選

明詩卷之四十七

新安詹 同著

大明 後學曹學佺閱

大明祭

迂拙本所尚謬膺時見知高車踵華要豈不日
求思徂春歷西垣托以國藩維茲辰遡東魯重
以民命司撫已揆中素憂感積如絲簡書遽臨
門我何敢遲遲僕夫具行裝明發大江湄朋情
念遠別臨餞難為辭好風吹揚舟旭日麗綵旗

流波渺東注緬懷當若斯聖明極高厚疎淺諒
何爲

早春山中

雪霽野草綠冰澌澗水渾條風蕩宇宙鳴鳥夜
欣欣况際寒凝極生意罔不存枯荻及槁壤酒
毓大造恩招我山中友酌我松下樽觥籌莫暫
止主賓寧復論一醉已忘境歸來望鹿門

送蔡叅政入蜀

東吳霖雨佐西蜀使星明木落黃牛廟雲開白

帝城邦交脩玉帛賓禮會簪纓陸賈無裝贈揚
雄有賦名詞源流峽水詩筆祭天聲叩竹臨風
看巴船載雪行錦官談舊俗金節促歸程聖主
龍顏望慈親鶴髮生鳳池邀閣老馬首出郊迎
妾莫愁

郎謂妾莫愁妾愁在姑嫜郎今有遠行歸期不
可量姑嫜日不待白髮在高堂郎若爲國亡妾
甘守孤孀但恐郎回姑嫜不及見妾愁亦如白
髮長

歷代詩選 明倫彙編
題所翁墨龍

笑玉女兮箭壺轟豐隆兮鼓車後蜚廉兮啓途
駕屏翳兮游太虛麾馮夷兮與之俱鞭海若兮
叱天吳掩歸墟兮洩尾閭斲九江兮瓢五湖霖
八荒兮澤槁枯歲大稔兮民以蘇后土奏兮功
力殊上帝僉兮錫玄珠歛蜿蜒兮紛且娛纒以
佩今朝清都續赤鱗兮光燁如步天矯兮天之
衢載瑤輶兮驟瓊輿化神劍兮氣吐噓旋下方
今辟奸諛御陰陽兮一吸呼神靈剗兮變須臾

懷洞庭兮近所居蒼螭逝兮黃能趨紛鯨鯢兮
前馳驅波瀾動兮涵炎區揚金支兮搖翠旒猗
閭闔兮來簡書張髯鬣兮母踟躕孰其往兮從
若徒曰北溟兮飛鯤魚

送蔚教授歸襄陽分題得解珮渚

襄陽城外西南阿秋風江渚生白波渚宮神女
老龍子手把瑤華雙踏歌雙踏歌醉晴日嬌比
春花紅欲滴紫綃衣袂青霞裳綠髻如雲高一
尺珮環解下明月珠五色虹光照秋碧鄭生所

遇天下奇樂莫樂如初相知桑田滄海幾更變
天上人間多別離蔚君家在襄陽住皎皎清標
顛交甫携琴合向萬山中莫作書堂近江渚向
來神女亦化龍時復尋珠起風雨

訪弟長沙霍元瞻雪夜爲作秋山圖

我愛霍元瞻清標如玉雪蒼松立石崖白鶴鳴
海月瘦馬衝寒冰在鬚日暮去訪元瞻居高堂
中夜燒長燭爲我寫出秋山圖墨池水凍筆如
槩使我見之喜且愕雲氣忽從衡嶽來雨聲似

向瀟湘落二客蘭舟泊遠沙一箇茆亭在陰壑
感君厚意不可量我欲酬爾明珠璫賈傅祠前
相別去挂在鵠山青草堂

題虢國夫人早朝圖

青絲絡頭白鼻騮楊家有女顏如花金門半開
天欲曙蛾眉澹掃朝官家官家鼾睡起未早阿
夷一來卽傾倒中使傳宣出紫宸信是人家生
女好合歡花瘁沈香亭玉環宿酒渾未醒春風
暗送年華老綠衣飛報疇能聽金錢賜浴恩澤

歷代詩選
新溫泉不洗馬嵬塵底事畫工心獨苦圖中偏
寫號夫人

奉簡黃樵水先生

黃鵠山頭雲滿樹黃鵠山下風生渚高人獨立
天地間手把幽蘭灑春曙憶昔天門金榜開談
王說霸稱奇才清名倏忽響中外迅雷海上隨
潮來奎壁文光射箕尾照耀衡湘數千里笑騎
海月拂天星散落明珠滿秋水天風吹作簫韶
聲五色雲中鳳孤起鳳兮鳳兮雲漢章豈第君

子不可忘我欲薦之太古上酌以玄酒梅花傍

題天寧長老深雪禪堂

積雪封門深十尺大風不捲恒河沙樓臺刃出
白龍象海峰失去青蓮花君不見金天上人面
如玉夜半毫光照山屋起從無影月中行赤脚
踏冰倚脩竹歸來鐵鉢冰生寒凍合蜿蜒小如
粟十日不晴將奈何上人趺坐窮搜羅咳唾珠
幾三萬斛散作天花落海波

金陵篇贈王貴德十四韻

江左金陵簇錦花城南闔闔擁煌霞雲斤月斧
揮天半星拱虹梁照水涯晴日垂楊籠巷陌薰
風細草護堤沙梗楠鳩集開新第亭館蜂屯勝
舊衙樓倚亭衢沾雨露坊題華翰繞龍蛇路通
赤舄三槐府墻隔烏衣百姓家擬待桓圭加上
爵行看大纛擁高牙春從鳳沼來黃閣人向鸚
班頌白麻沸海市聲還厭聽軟香塵土不容遮
櫪喧貴介五色馬門過豪商七寶車曉出繡袍
朝紫禁夜歸銀燭列紅紗蜀稱錦里何堪比唐
有青泥亦謾誇冠蓋往來聯玉笋琴樽談笑吐
天葩長由坦道全終始應與鳴珂播邇遐

古意

君家蘭澤西妾家蘭澤東蘭澤多芳草相去各
春風君今行隴右妾思在閨中天寒繡袂薄淚
下玉屏空

寄方壺道人

海上神仙館天邊處士星卧雲歌酒德對雨註
茶經石洞龍嘘氣松巢鶴墜翎都將金玉句一

一寫空青

送黎蘭谷游永州

舟子開帆日天風吹雪時
關河歲將晏荆楚客
何之水接三苗國雲迷二女祠
經過逢北雁應有寄來詩

公無渡河

江上春來風雨惡
大浪小浪江中作
一葦之航何足云
蕩漾中流幾飄泊
人鮓瓮鬼門關下
隔深淵咫尺間
飢蛟食人骨如山
公無渡河當早

還

古釵歎

黃金作釵分兩股
青髻如雲鳳雙舞
照見臙脂井水香
後主宮中數千女
一朝野花成綺羅
但見兔跡狐踪多
有人拾得古釵賣
腸斷當年玉樹歌

蒿里

城中市聲如海水
紛紛甲第連雲起
自從秦鹿走中原
蓬蒿長徧鳴珂里
夜深鬼語風吹沙
光

歷代詩選 明倫彙編
怪走地圓如瓜兔葵燕麥芄芄地盡是當年宰
相家

春日駕幸鍾山應制

大駕春晴臨寶地鍾山翠靄擁金仙
瑤花如雨三千界紫氣成龍五百年
風送香煙浮袞服池涵樹影拂青天
詞臣侍從何多幸安得詩才似涌泉

送徐復初海道知事

東運樓船白粲多紫髯英氣有誰過
礮車雲起

天垂野颺母風來雪湧波海上神仙見
徐福關中父老識蕭何幕賓不盡長才
用早晚薇垣響珮珂

秋夜書懷簡李希吉

江臯秋水明晚霞江城秋滿詩人家
雙杵隔墻夜敲月一燈向壁寒生花
烏鵲驚風繞紅樹紫蟹帶霜行白沙
清虛之府入幽夢醒看河漢思乘槎

題子靜草堂

草堂正在匡廬山山陰綠玉相對閒雲從雙劍
峰前下潮到小孤江上還茶煙滿室寫墨竹花
雨一簾觀白鷗誰似南宮能篆古爲君高致軒
窗間

清江曲

清江水清峽水黃清江之上多綠楊浣花女兒
立沙際青蓑白足如秋霜蜀山雪消十日雨一
夜扁舟欲齊樹兩岫猿聲不肯休送君流過峽
州去

狹路相逢行

上有千尺之厓古鐵色下有無底之潭水俱黑
中間小道石艱澀君馬南我馬北狹路相逢何
偏仄安得往來如康莊兩賢相讓無相阨
前有尊酒行

前有一尊酒後有三尺墳墳前兩樹花墳中不
知春分明記得墳中鬼曾共當年飲酒人

題水殿納涼圖

湖上欄干百尺臺臺邊水殿倚雲開紅橋人隔

荷花語玉盃金盤進雪來

題枯枝寒禽畫

王母宴歸西海上空留青鳥羽參差黃雲苦竹
江南霰獨立寒條歲晚時

舟過黃陵廟

黃陵廟下倚船窗水淺沙平屬玉雙山外斷雲
寒日晚半篷寒雪下湘江

秋夜吟

桂樹叢叢月如霧山中故人讀書處白露濕衣

不可去

附注時中詩

字德卿
祁門人

和陶靖節

木落霜更繁鳥啼夜方寂徘徊不能寐起行見
明月達人傷逝波志士感徂節冲懷在潛淵脩
軌絕塵繼人生大化中飄蕭風底葉豈無好容
華百年終變滅及時且行樂無為長太息

其二

避諠舍幽林蓬篚日高卧開門見青山相看久

逾好白雲何處來飛在簷前墮淡泊涉世清意
開塵勿攪主靜豈無方此樂不可道黃精肥可
殮石泉清可澡默默觀大運息心以爲寶

月夕書懷寄貢待制汪蓉峰程以文

明月出東山照見西林明龍蛇布滿地信步還
自驚獨立數星辰欲挽銀河傾一洗人間塵灑
然肝膽清不寐抱嬋娟待旦聽雞鳴安得同心
人爲言此時情

種竹

結廬幽谷中老樹高連雲青山固佳客不可無
此君移植當前軒氣槩終出羣胡牀坐月夕世
事從糾紛鳳鳥日將至起舞歌重輪天風萬里
來夜半簫韶聞

登源越國祖廟

四方騷亂六州安錦纜雲颿去不還龍劍占星
狼鬣靜角弓張月虎牙閑東行竇使書初獻西
向秦庭涕易潛高塚麒麟碑碣在唐陵隋寢草
斑斑

漢武帝

天馬西來苜蓿堆五雲宮闕是蓬萊可憐商鼎
盞梅味不似金莖露一杯

汪叡詩

字仲睿婺源人
左春坊司直郎

雜賦

我遊會稽嶺復登秦望山天高海濤寂日落空
雲閒三山渺何許鮑腥動函關回車探禹穴千
古高巘屹有客來崑崙抱璞將何適燁燁含輝
光積韞夜生白荆舒人莫知舉世珍燕石所以

魯仲尼待價靡欣感嘉橘生南服纍纍黃金姿
碧葉霜不悴貞心終自持涓濱釣魚叟西伯夢
見之西伯今寂莫野處徒傷悲

擬古

別君出郭門回首萬里遙征馬復馳驅山高路
岩堯水流下漠海月出上青霄月光照海波我
行魂獨消天寒關塞遠日落村墟晚悠悠音信
斷鴻雁自悽惋中心抱貞素匪石不可轉昊天
信明日胡能事游衍

濠梁行奉制賦送太師韓國公還鄉

龍飛濠梁起淮甸肇基秣陵酣百戰誅陳夷張
安東南北定中原疾如電秉旄仗鉞清朔方拱
手垂衣正南面泰山若礪海涵天黃河如帶江
澄練聲威遠布來夷戎海隅西極咸趨風不用
漢兵三十萬大宛馬萃天閑中 聖皇明德被
海宇天產英傑開勲庸中山開平奮武烈內輔
太師韓國公太師始由刀筆舉羣雄紛爭識真
主麾之不去情愈親日獻訐謨闡弘緒不矜不

伐仁者心克勤克儉前哲矩平生仇怨那報酬
諸將勞能誰毀譽百司庶務無稽留剗繁治劇
何優游聖皇推誠重委託太師悉力宣王休漢
比蕭曹豈異績唐榘房杜稱嘉猷光輔功成請
身退錫爵頒養先公侯白髮朝天喜強健紫殿
從容頻錫宴一朝鄉里錦衣榮千載勲名青史
見太師恭慎人罕侔 聖皇顯佑誰能先舊基
甲第新凌雲內府金錢表深眷明庭盛典重詠
歌謾從館閣徵文獻

予歸江左澤徃四明

倚閭憐母老長路望兒歸六載眼中淚三春身上衣
霜清聽雁遠天濶見雲飛海嶠連閩越烏啼月尚微

吳斌詩

字韞中休寧人平陽縣主簿

北遊

青山千里來龍奔出平野逶迤作都城黃河走其下
借問宿遷人在昔何為者云此生重瞳虎關天所假自矜
蓋世心坑秦霸區夏鴻門逸真龍烏江陷騅馬至今哀怨聲
暗鳴海中瀉

次韻戴尚文遊顏山三首

顏山倚南斗秀結鴻荒前昔有太素人攀巢卧紫煙
雙龍作服御據地生靈泉一餐日月精永保龜鶴年朝結
八極遊夜向三天眠一朝弃宇宙遺跡成幽玄雲洞關雙扉
別有丹霞天我今望紫氣遐想窮山川

其二

金仙識靈境振錫西天來梵宮跨絕巘綵翠何

壯哉海水入金鉢灑早徧九垓遂令區中人瞻
望心徘徊我思脫萬劫鬱悒慚非才青蓮發茲
山何必登三臺行將覩寶月高舉超凡埃

其三

美人契遐想濯足青蓮池我亦思攀援騰空躡
雲螭蒼茫送遠日直接扶桑枝天低流景迥風
遠浮雲馳萬靈受荼毒生死皆非宜仙人與佛
子縹緲何須期吾當問青天願借箕尾騎

雜體

豫章在高嶽挺然出喬林雲霄接飛幹川谷涵
清陰龍鱗結翠色貞固如精金梓人構珠殿飛
斤欲相尋雖馮萬牛力奈此春山深大材失平
地倚樹空沈吟

秋思

西登望夫臺北眺從軍路霜飛瀚海秋煙橫大
荒暮君心皎凝丹妾身抱貞素萬里莫相思搗
月寄征服

宿密多巖蘭若

歷代詩選 明英朝 五
寶剎倚青漢金宮瞰紫煙巖顛明秀木天罅落
飛泉香窟幽僧定雲房逸客眠澄輝滄海月應
與此心圓

天馬歌

天馬西下崑崙墟騰驤振迅將馬如雄姿逸氣
越太古雲鬣電尾拂紫虛頰首視六合有若樊
籠拘朝窮青天九闔之浩蕩暮極滄海萬國之
盤紆驕駟與綠駟俯伏蹶足空睢盱大鵬之飛
尚不過于九萬六龍豈敢爭馳驅拳毛縈虹耀

晴雪高蹄鬣霜蹴明月瑤臺兩鏡入清曠五嶽
層巒挺奇骨當時飛步凌長安星流霧轉那可
攀伯樂已久死至今駢足櫪槽間聖朝舉鞭策
豈信蜀道難由來世眼俱混濁駑駘却鞴黃金
鞍太行益車每服力嗟我于此徒盤桓春風三
月來燕山將隨銀河上雲端翱翔御道駕天子
出入警蹕羣生安

顏山歌

欲爲紫霞賞遂作丹霄遊顏山秀拔五千仞况

于絕頂凌飛樓長風吹日空四海但見天地如
虛舟龍爭虎鬪血中野安知此境長悠悠顏山
之勢何壯哉飄如雲龍上天來蟠根走脉極九
垓千巖萬壑相縈迴龍池皎雪天鏡開氣蒸六
合作飛雨五月下界驚雲雷顏公一去不復迴
空有仙跡迷蒼苔憑崖鑿翠構珠殿金仙趺坐
蓮花臺雄標勝境掩五嶽胡乃僻處東南隈後
來觀者登崔嵬超然頓覺辭紅埃平明攀天望
海色宛若萬里歛灑之金杯此中昔有芸香客

一朝矯翼騰三台我今苦被風塵惱欲待長筭
人間掃三花含煙笑人老青松垂陰得春好功
名感此不復求便欲巢雲拾瑤草終當羽化隨
青童雞爲鳳皇犬爲龍青天碧海長相從回頭
試問世間士茫茫盡入三泉中

續催日鼓謠

胡爲乎六龍斜飛于若木之金天復沈淪于西
溟瀕洞之重淵日車摧頽勢將墮但聞驚天伐
鼓砰轟喧闐恨無魯陽所揮之神戈又無羲和

所執之神鞭徒看光景入海去惟有雪山千疊
春雷喧日已溺誰能援似將宇宙入冥昧魑魅
泣雨神啼煌煌雨暮何由晨肆鬼怪愁天人有
美二子超凡倫凝丹泣血驚蒼旻欲攀天上萬
丈之玉繩攬此波中咫尺之金輪力不及情難
伸歌日鼓悲無垠空有蛟龍之翰麟鸞之文照
耀今古誠足珍心比衛精誰復陳至今陰氣毒
天地幾時六合迴陽春吾聞東方乃有扶桑之
若陽谷之神可以返日馭昇天門過黃道御紫

宸安得迴光洞照下土之盲人神君精感應相
隣忽爾金鷄啼白東海天朱光飛射開幽玄鼓
聲驚倒三山巔白日曙青陽生出海嶼游天京
四方咸覩曉色清麟胎鳳殼含精英 聖皇欽
天建太平作韶武吟簫笙譬若日鼓騰天聲乾
坤上下俱清寧億年萬世同光明

妾薄命

大羅天中散花女一點塵心墜凡土花顏奪盡
天上春舉世蛾眉焉足數生來祇在深閨中珠

簾翠幕藏春風清心無瑕皎白玉月娥星女遙
相同漢家君王自明哲獨選芳容與貞節龍輿
忽上鼎湖雲雀臺空望漳河月蒼梧凌空湘水
寒淚痕灑徧金琅玕一身憔悴不能立香銷玉
減凋雲鬢自憐薄命誰爲主仰視雲霄澹無語
何時重返藥珠宮還散天花作香雨

青州歌

青州高城雄九州城閉天上飛瓊樓羽林兵衛
若熊虎劔戟耀日寒光浮迢迢紫陌香塵起車

馬爭馳迅流水飛薨萬井碧鱗鱗綠樹連陰柳
營裏嗟峨城闕帝子宮天人遙鎮滄海東海波
鏡淨寂不動鯨鯢不敢揚天風樓上銀壺漏初
歇畫角龍吟泣霜月寒聲蕭颯落梅花吹作征
人鬢中雪

赴召試登鳳凰臺望大江

未登麒麟之秘閣且上鳳凰之高臺鳳凰臺上
極遠目海風飛灑清浮埃白日出青天開但看
萬里長江從西來雪中蒼茫自無際直湧大地

高崔嵬朝宗勢去不回萬水盡入東南隈天塹
 設皇圖恢龍蟠虎踞雄九垓金宮寶闕天上開
 一人有慶萬國來萬國來咸梯航 天子萬壽
 鎮萬方神基永固同天長壽與江水俱無疆高
 臺覽德來鳳皇

醉歌行

登高取醉散我愁倒卧城南百尺之酒樓出門
 但知行路苦醉鄉可以逍遙遊君不能遺身天
 地上玉京又不能榮名將相專金城徒將綠髮

染春雪風塵羈繫終無成不如且飲一壺酒酒
 盡愁消更何有醉來豪氣不可收嘘作長虹貫
 牛斗

唐桂芳詩

字仲實 歙縣人

送鄒山長

精廬嘉樹合欣欣衆禽鳴相遇豈不好胡爲千
 里行三年振文鐸遺經寘滿籬英英嗜學子隔
 竹聞書聲掃花散幽策坐石移殘枰詩成似白
 雲亭亭峰巒生昔視秋蛾飛今送春鴻征歸來

憐兒女歡笑綵衣迎父老三四人傾壺濁復清
逍遙練溪上於焉澹無營

秋胡子

依依陌上桑婉婉桑間婦嫣然紅羅襦采桑濕
香霧相逢馬上郎停鞭息馳騫回頭遺巧笑脉
脉此情露誰知婦人身託生膠漆固本朝骨肉
親返被顏色悞憶昔送郎時徙倚門前樹篋笥
滿征衣一一裁繪素繡為雙鴛鴦猶懼觀者妬
願郎早歸來恨不與俱去塵埃撲牀帷蝟城網

窗戶惟有白髮姑羞以衷情訴可憐不相識春
心挑中路倉皇下馬時忽忽意未悟洞房掃春
蠶一見生愧負妾身固可弃老親寧弗慕黃金
無虧盈白璧有沾汚嫁郎恩義乖何如江水赴
江水惟東流不似郎他顧

聞吳繼新寫正覽畢作詩迎之

吳郎久不見悵望隔江村辛苦頭將白編摩眼
易昏蕉心含雨潤柿葉纈霜繁智永瞠諸後義
之本一門未應梁上得偏向枕中存點畫臨池

黑戈波漏屋痕榮榮蛛結網裊裊蠶繅盆白練
書羃好黃麻草詔尊首濡無醉鬼筆諫有忠魂
安得三千幅煩君恣意繙

題方起莘五馬圖

徐君平生愛馬癖
遑遑畫手稱無敵
百年物化形影存
流落生綃總陳迹
今看五馬各異色
兩疋驪黃一疋白
一疋翠刷雲滿身
一疋虹奔汗流血
奚官亦復可憐人
笑拂青絲事羈勒
就中誰解驍騰姿
背立如龍俄八尺
不踦不齧有餘

閒回視神光恍相射
得非念同槽櫪悲御者
非人常乏食低頭帖耳
或內傷十二閑中推第一
而今蹭蹬老可欺
空伴駑駘無賞識
嗚呼不幸世運遭
艱虞豈比唐時太平日
牽來錦繡動成羣
玉鞍未卸黃金勒
丹墀晝靜柳陰移
一點花飛墮香雪
毛仲也是廝養兒
嫁女傳宣出宮掖
宮掖慣聽鼓節聲
教舞銜杯增戲劇
酒狂大叫問梅花
何似龔黃二千石

少平見鄉人程大

卷四十七

三

第

少年策馬辭鄉邑落魄天涯幾秋色三山昨遇
故鄉人不問姓名應不識布衣拂却江海塵相
看感歎念情親青春作客無遠近白髮從軍多
苦辛以茲失路誰相顧我向東留子南去歸夢
不離滄海雲邊愁遠挂青楓樹楓樹家林隔海
天百年聚散一茫然簪纓故舊應誰在萍梗江
湖祇自憐臨岐執袂須傾倒明朝又別關山道
心隨斷雁向斜陽愁到離憂醉芳草

程仲庸游京口留金山

我正無心懶似雲那堪奔走污淄塵飛花岍柳
偏留客吹浪江豚忽拜人玉帶暫拋煩轉語楞
伽曾寫悟前身異時好說金山寺幾箇漁舟喚
渡頻

送湯君濟赴廣西憲幕二首

湯生浩氣揭晴霓白馬雕鞍新鑿蹄試吏早從
公府辟徵書親自臬侯題江天露洗星辰濕海
島風清瘴雨低肅若紀綱多暇日蒲庭榕露鷓

鳩啼

皓月如銀老桂秋明朝催動孝廉舟天涯跋涉
 三千里嶺表承宣四十州荔子輸官供酒盞檳
 榔留客當茶甌貪泉莫試夷齊飲霜拂黃茆瘴
 已收

贈別林生

青天無盡碧波長百尺雲帆挂夕陽海客音書
 何處寄北風鴻雁不成行

唐文鳳詩

字子儀歙縣人趙府審理

五題李營丘枯木圖

營丘枯木天下無筆端造化何榮枯想當磅礴
 欲畫際天為逐興神為驅鄧林已化防風骨滄
 海乍出珊瑚株良材何異徂徠產大用不值明
 堂需自憐形質赦斤斧豈歎薪爨供樵蘇萬牛
 回首力未許獨匠指顧心難圖空遺偃蹇蔽村
 野白石鑿鑿泉鳴鳴枯梢似挂瘦蛇影亂葉恍
 苗垂龍鬚我生本是山澤臞隱居林樾同凡天
 昂霄聳壑日在望號雨呼風時與俱只今廊廟
 重締構梗楠杞梓當時儲按圖工師倘所取意

當日盼增嗟吁

題何養素馬圖

房星降精龍作胎渥洼之水深如杯夜飛霹靂
 電光紫良駒已產真龍媒長鳴超羣空冀北下
 視衆馬皆駑駘天生氣質難委弃萬里入貢何
 年來聖恩已許充內廐九重浩浩天門開鐵銜
 寶勒鏤銀永玉鞍絲轡救玫瑰雖調德性閑兩
 服終逞逸氣凌九垓王良老去復誰御伯樂往
 矣令人哀百年變化尚形迹生綃寂莫煩松煤

求賢求駿同一理千金買首逢奇才燕昭致禮
 郭隗重何人再築黃金臺

題李白翫月圖

長庚之星光配月何年降精生李白倏向人寰
 汗漫游骨異神清本仙謫平生愛月如嗜飴老
 蟾流輝沁詩脾胸中玲瓏廣寒殿珠璣咳唾天
 香吹良宵醉月坐花影銀汞鎔階光炯炯夢咽
 玄霜玉兔寒露濕錦袍呼不醒慣賒月色長安
 春玉環媒私力士嗔清平調新聲未絕樓船迫

角飛胡塵夜郎天高月黑黑恐死投荒去京國
金鷄放赦來江南采石波寬酒杯窄眼花捉月
月倒懸翻身起舞水中天馮夷夜護叱河伯遺
骸肯污飢蛟涎巫陽下招招醉魄帝遣歸來住
蟾闕精神仍作長庚星萬古千秋伴圓缺

題長江萬里圖爲蜀人趙中道賦

一塵老屋城南隅讀書樂道非愚夫西川有客
踏秋雨訪予手把長江圖披圖細數經行處天
山白積銀爲樹冰漸暖沁六月流雪波怒向三

巴注蜀江溶溶遠紆迴巨靈擘破巫峽開勢雄
地束不得逞直走萬丈疑奔雷瞿塘灩澦瀕天下
險巨石雙分銳磨剪盤渦每憂巨浸深冷噴猶
嫌急波淺人鮓瓮頭雲結愁飢蛟晝舞寒風秋
至喜亭邊可貰酒秭歸縣前仍艤舟荆湘蕩漾
平於掌蒲帆箭疾飛雙槳蒼龍山露翠燈中白
虹水接銀河上岳陽樓高明月涼仙人踏冷鶴
荷霜玉簫吹碎丹鳳語寶劍拭動青蛇光洞庭
茫茫接彭蠡千里相望同尺咫無情五老蒼顏

凋含羞二姑黛鬟美揚瀾瀦瀦鄱湖寬水府馮
夷嚴守關明珠泣墜淵客怨水綃織就鮫人閑
噪磯乘靈孫小女冷風倏度神巫語客回盡望
江東雲鳥歸帶得淮南雨須臾放棹下金陵蓬
萊宮闕高峻嶒 聖人黃衣御宸極紫霧衝霄
王氣騰浪游歷記萬餘里愕夢驚魂幾悲喜江
花江水興無涯點染丹青煩畫史賦詩題畫心
悠然才思逸發如湧泉酒酣擊節唾壺缺醉和
少陵雲錦篇

上東門行

上東門在何所河陽城南瀍水滸舊時豪華今
已空惟有當年一坏土聞說漢家全盛秋門前
列第皆王侯朱輪翠轂日來往凝笳疊鼓長喧
啾畫棟雕簷接宮觀十里香塵飛不斷天上頻
頒丹詔下民間屢免田租半白髮老人不識兵
閭閻小兒歌太平鬪鷄走馬尋常事豈有紛紛
愁歎聲乞歸二傅章初上會此公卿盛供帳道
旁觀者如雲屯雜綵從車凡幾輛韶華轉眼流

星過倏忽荆棘埋銅駝逢萌挂冠固已矣石勒
倚嘯將如何往事傷心難自保惆悵東門不能
道君不見北邙山頭四五陵玉匣珠襦委荒草
白雷港

晚泊豁吟緒行行步渚沙雨添新柳耳水減嫩
蒲芽烏鬼來漁艇青蚨付酒家微風吹短褐倚
杖數歸鴉

玉階怨

夜深白玉階露下寒侵骨娉婷不欲行恐踏團

圓月

題無心道人墨竹

一江疎雨翠煙迷愁結寒雲楚甸低猶憶泊舟
蒼石岬黃陵廟下鷓鴣啼

石倉十二代詩選

明詩卷之四十七

終

石倉十二代詩選

明卷之四十八

石倉十二代詩選

明卷之四十八

大明

吳縣王 燧著

後學曹學佺閱

送別

綠水灑汀洲風起江南秋
煙波有孤客關河生
遠愁遠愁那足說惜此芳華歇
日暮澹忘歸蘋
花悵難擷

脩竹美人圖

蘭膏香膩盤雲綠愁鎖春山黛
痕蹙天寒日淡

唐詩選 明正法王
情無言翠袖盈盈倚脩竹脩竹無心亦有情竹
花結實珠繁榮秦樓人去彩鸞杳湘江種得相
思成相思有種何時歇竹上年年怨離別千古
魂銷怨不銷淚紅染作鴛鴦血

和高季廸將進酒

君不見雲中月清光乍圓還又缺君不見枝上
花容華不久落塵沙一生一死人皆有綠髮朱
顏豈能久樽前但使酒如澠肘後何須印懸斗
咸陽黃犬悔已遲至今千載令人嗤試看古來

功業士何如陌上冶遊兒百年飄忽寄宇內日
日歡娛能幾歲勸君莫惜囊中金便趁生前常
買醉臨邛壚頭綠蟻香柳花捲雪春茫茫吳姬
越女嬌相向痛飲須盡三千觴興來狂笑縱所
適慎勿畏他權貴客東風吹落頭上巾此日獨
醒端可惜一朝綺羅生網塵粧樓空鎖青娥人
酒星不照九泉下孤鳥長啼山花春

湘竹簫歌

君家洞簫天下奇碎紅亂點香淋漓濃如丹砂

沁水肌淡似猩血封瓊枝持來世人莫能識疑
是秦女來相貽幾回吹向霜江曉皎月不明風
悄悄一聲捲入碧雲中驚散飛鴻落天表君不
見重華去兮歸路遙二妃泣向湘江臯江臯之
竹竹間淚萬古千年長不消我將挾君攜此同
上黃鶴樓醉弄一曲離鸞秋曲終飛度洞庭去
試聽蒼梧猿夜愁

春曉美人圖

梨花埭上鷄鳴早十二瓊樓天乍曉東風不動

綠楊絲雲母窗空春悄悄銀屏複帳掩鮫綃遮
斷蓬山海路遙鬢亂釵橫雙鳳驪玻璃枕上不
勝嬌誰將鸚鵡偷調弄驚散瑤臺合歡夢金盤
仙掌日華高小苑花枝露痕重小玉熏殘蘓合
香臨鸞先學理新粧含情欲起嬌無力滿院綠
陰清晝長

題畫

疎煙帶平野閑花落空林鷄聲在何許人家春
樹陰將尋丘中侶諧此塵外心幽期倘云遂寧

歷代詩選 明王汝玉 卷四十八 三
惜露沾襟

新秋早朝

宮井梧桐一葉飛
新涼先到侍臣衣
蒼龍闕上銀河轉
丹鳳樓頭玉漏稀
曉仗分行環御輦
夕郎鳴珮出仙闈
自憐虎觀叨陪從
簪筆慙無補
萬機

左掖聞鶯和鄭孟宣助教

落絮飛花滿禁城
萬年枝上一鶯鳴
全非幽谷問關調
總是東風宛轉聲
啼處尚舍求友思斷

時猶帶惜春情
朝回左掖門前聽
却訝簫韻奏九成

送太平劉知府復任

錦綉江山拱帝畿
先皇曾此駐龍旗
三年出守勞臣績
再命專城遇主知
桑柘千村豐庶日
歌鍾萬戶太平時
送君重去宣王化
明世誰論治繭絲

送鄭尚書致仕

重沐天恩典禮闈
旋因賜告遂初衣
先朝故老

今誰在十世同居古亦稀
淶水蘭舟江上發
秋風華髮浦陽歸
懸知戀闕情應甚
夜夜山中夢紫微

客懷

零落棲遲一病人
鶯花正遇帝城春
途窮不肯輕垂淚
道在長甘固守貧
陋巷草深前夜雨
空齋甌掩昨宵塵
杜陵何事真愚拙
却欲虞廷自許身

其二

逢掖雖云是舊衣
故山終負採春薇
時清懶上王通策
病久常閑董子帑
寰宇載逢新節至
江湖終覺故人稀
半生多少關心事
空學莊生蝶夢飛

瓜洲道中

清江杳杳水連空
江北江南綠映紅
三月異鄉途換火
經春遊子怨飄蓬
滿汀蘆葉孤舟雨
一樹梨花小旆風
遙望故山何處是
依稀煙樹五湖東

東早朝待漏題楊諭德竹

禁鐘纔動曉風微
新竹疎疎對瑣闈
非是日高簾不捲
怕教空翠濕朝衣

題畫

渡頭初唱采菱歌
南浦西風漲綠波
正是晚涼新雨後
青山不似白雲多

題方壺畫

紫府深沈白晝閑
仙人歸去邈難攀
當時暫謫來塵世
寫遍江南雨後山

題天師竹

上清仙子晉風流
愛竹還同王子猷
猷寫得一枝清似玉
湘濱露冷夜來秋

林塘佳趣

自脫荷衣別五湖
秋風幾度惜尊罍
玉堂酒醒青綾薄
空憶林塘舊釣徒

題竹贈別呂希暘從役

露莎煙草滿晴川
罷釣歸來暫泊船
非是野情忘世事
閑愁不到白鷗邊

題倪元鎮畫荆溪清遠圖

銅官山下縱清遊每為餐松十日留吹斷玉簫
人去久暮雲空鎖洞庭秋

其二

清闕高人一散仙常留遺墨世間傳當時曾寫
相思意誰信如今重惘然

漁村

汀葦蒼蒼白露疑一灘寒月未收罾西風吹醒
江南夢四壁蛩聲半夜燈

山行

蘿蔦陰中是幾家青山數轉到門斜桃源祖在
鷄聲裏不用緣溪認落花

附張洪

字宗海
吳人

悼貞婦

嗚嗚赴行役肅肅成謝功婦女既有歸鷄犬亦
相從寧辭道路遠萬里來黔中邊城尚艱食太
倉乏陳紅婦人在中饋何以能尸養良人漸鰥
黑慘淡筋力窮常恐卧溝壑妾身何所終苟能

事一飯豈惜膏沐容避人剪髻鬟易米羞晨供
良人久驚訝覩我顏色同窮辭訊衷曲裹頭雲
鬢空歛歎不下箸淚點微沾胸入恠久不出引
脰經房櫳仰呼不到天洒淚不及泉義當死生
共恩始夫婦全亭亭朱絲繩梁上乃雙懸小哉
匹夫諒妾昧不足言念爾貞潔姿前後金石堅
食貧勵茲節見義恐不前婦道久不聞良心鬱
未宣孰知蠻貊地超世洵獨賢

古東門行送別金彥貞

僕夫顧我悲轅馬踟不行古來離別地青草不
復生居人攀桃李悵望難爲情流塵起阡陌遠
樹花冥冥莫向秦東亭唱此東門行土中有死
骨聞之復心驚食荼莫言苦飲醯莫言酸世間
萬事易惟有別離難旣辭還執袂臨行復據鞍
對面相寬解回頭涕已瀾人生誰非客何獨此
哀嘆但令長壽考相報各平安

謁黔寧王廟

魯聆玉帳肅徽音俯仰清祠感慨深客袂尚餘

他日淚羈懷不改舊時心耳聞種竹都成玉眼
看栽松盡作林每歲騎箕溟海上手分雲液散
甘霖

答俞都御史海上見寄二首

舳艫相接恨離居音問那堪咫尺疎見月思君
因自切看雲憶我定何如李膺舟楫神仙侶博
望星辰太史書歸去客懷同一洗賀家湖上醉

紅蕖

對大其二悲神

渺渺秋槎海上還洞簫吹月過三山九霜風露
蓬壺外萬頃波濤祗席間地盡西南開帝城星
環北極想天顏夜闌五色雲光近回首扶桑不
可扳

附偶栢

字武孟太倉州人

雜詩

衡茅日岑寂嘉樹生繁陰夙興挹朝爽條然澄
我心如彼倦飛鳥冀得棲故林抱經味遺言且
復理鳴琴惜哉鍾子歿曠世誰知音

養疴卧丘樊庶得脫塵鞅三徑日就荒行樂倦
 還往荆秦既蕃蕪荼蓼亦茲長幽蘭獨憔悴况
 復纏草莽不因馨香發豈獲君子賞

歲暮

忽忽歲云暮朔風吹客衣雖云鄉井近轉覺信
 音稀山響颺颺嘯江空鶴鶴飛百年渾潦倒底
 事未能歸

送陳民初先生歸廣州兼問訊趙知事公

自別傑

靜江遙帶五羊城官舸乘風畫鷁輕客館鄉人
 秋送別高齋弟子日相迎枕柳接葉蠻煙暗螺
 蚌含珠海月明到郡為詢賢贊府幾時鞍馬定
 朝京

其二

執簡立臺端百壬不敢噫道遠竟莫前動若飛
 翩鏃歲月無停輶季秋倏已屆籬菊傍雲肥江
 山日如畫軒車幾時來夜雨一燈掛明德正可

崇相期各云勵

附呂淵

字希顏
常熟人

和童僉憲士昂詠雪

隆冬氣凜冽朔風布威嚴同雲糊正密六出漸
 飛添紛紛花絮雜片片瓊玉兼高堆瓦將覆亂
 落塵不沾碧鷄沒孤喙金馬埋雙尖皎潔炫晴
 瀑虛明奪夜蟾梅枝飄素粉竹葉懸牙籤灞橋
 詩助思錦帳酒傷廉玉花輕入幔冰柱細垂檐
 自聞謝女詠翻似織成縑

萬竿煙雨圖為童僉憲題

君不聞淇水隈煙籠萬箇綠倚倚又不聞湘江
 曲雨過千竿齊挺玉淇峯湘流各一方遙遙相
 隔千里長君胡巧將縮地訣併作無邊煙雨鄉
 鷓鴣聲近黃陵廟山接九疑猿夜吠少年曾記
 畫船經百咏新詩隨口道今日看圖憶少年老
 懷衰髮兩茫然總有琅玕可人景愧無珠玉驚
 人篇聞君愛竹幾成癖沙土南金灰白壁閑來
 酣聽戛鏗音靜裏飽觀蒼翠色君兮君兮聽我

歷代詩選 明臣補卷四十八
歌江上年年風雨多竹花零落碧雲冷柰爾鳳
饑無食何

連雲嘆

連雲棧道如升天千山萬山相盤旋上有古今
不伐之老檜下有晝夜不息之飛泉林深未知
清晝永但聞百鳥相和巧出音綿綿鷓鴣之語
人共識分明似訴行不得客懷聞此倍感傷駐
馬看雲長嘆息鷄頭關前山最高我馬已痛僕
亦勞懸崖萬丈陡壁立俯瞰羣嶺同兒曹烏龍

江裏濤聲惡日日轟雷慘寒骨奔流直與滄海
通勢自天成非禹鑿我來對此心茫然便欲解
綬思歸田乃知王事未可緩行行且誦皇華篇
皇華四牡歌再續上德未宣懷靡足何當兩腋
生羽翰頃刻搏風到西蜀

題曹僉憲三茅山水圖

三茅山水何竒哉形勝彷彿東蓬萊山峰高聳
彩雲表水道近接滄江隈四時景物多佳致一
入春來更明媚楊柳輕垂翠帶長杏花艷吐臙

脂麗松梧竹木交加新梵王宮殿高嶙峋峩峩
寶刹矗天際小小畫船撐水濱鄉村遠近多茅
屋朝出耕今夜歸讀谿畔時逢訪友人林間數
遇攜琴僕青帘搖颺酒家前一行飛鳥來青天
眼中總是吟哦具意外了無塵俗牽曹公於此
築居弟子孫繩繩習詩禮科甲相傳繼後先簪
纓奕葉光閭里一從出仕趨金門十載思家勞
夢魂閩山路隔無飛鴈滇海宵深感斷猿邇來
忽得唐王宰故里畫圖隨筆洒新花新樹景還

同舊水舊山形不改看圖對景情依依飄然便
欲抽簪歸却憶君恩未能報撫卷盡日徒歛歔
竭來索我題長句我亦三茅隣近任何當與子
賦歸歟同老林泉最清處

題李侍御山水圖

山色滿郊原幽深隔市喧孤舟橫古渡荒徑掩
衡門野樹煙光薄溪橋曙色分依稀故園景吟
對欲銷魂

春陵道中

春陵道中

卷四十八

三

蚤發瀟南驛晨光尚未明山橫疑水斷灘急訝
舟輕茅屋稀疎見筒車遠近鳴民安邊患息千
里樂巡行

贈徐憲副西還

江水碧於苔歸舟不捨開夢緣情易得愁爲別
難裁樹色迎征旆花香沁酒盃到家秋欲近松
菊共徘徊

茶坪

茶坪春雨後舊幹發新茸雀舌微含翠龍芽淺

着紅小筐和露摘疎篔帶煙燻汲水時烹啜清
生兩腋風

送張都督至陝西遇陳同寅金

近捧綸音迎使臣馬蹄三月到西秦一春獨詠
無佳句千里相逢有故人夜雨郊原芳草合東
風庭院落花新相看莫怠咨詢職盛世青年好
致身

入連雲棧

棧閣難行說與君來遊方信峻連雲江從鳥道

聲偏急山到鷄關勢漸分嵐氣漲空朝駿隼林
陰蔽日晝氤氳吟邊忽動鄉關思風雨猿聲不
可聞

川江夜雨憶近侍諸同年

西風吹雨夜瀟瀟獨卧舟中正寂寥聲滴篷窓
孤夢破寒生衾枕旅魂銷黃牛廟古灘聲急白
馬江空木葉凋遙憶同年諸近侍金門斜月正
趨朝

和黃綉衣忠清堂韻

黃甲高標賜出身一官今喜立通津讜言曾落
將軍膽直氣仍埋御史輪葵萼寸心長向日梅
花清骨不沾塵少年更際平成會封事還看達
紫宸

武攸道中懷諸同寅

千里巡行屬暮秋宦情羈思兩悠悠安邊愧乏
班生略戀闕空懷杜甫憂月夜聞猿尋野寺霜
晨策馬度林丘相知若慰驅馳苦珠玉何妨每
見投

留別貴州吳總戎

壯年曾憶叙邊城今日相看髮已更歎曲幾巡
新漉酒殷勤一段舊交情柳營近拜將軍命薇
省仍叨岳伯名明日又成千里別滇南回首暮
雲橫

城西別墅爲素軒錢公作

滇南城外路西分水繞山回秀作紋楊柳四堤
張翠幄稻梁千頃布黃雲渠通澤國鷗頻入地
近仙家犬不聞幾度叨陪清宴樂却疑身世遠

塵氛

題鎮江多景樓

獨倚危樓眼界寬無邊風景恣盤桓四圍花木
如屏擁千里江山入畫看帆破晚煙歸別浦鴈
拖秋色下空灘來今往古詩何限景物難窮思
易闌

淮河晚泊

乘輅千里戴君恩舟抵淮河日已昏萬井人家
城外市幾行煙樹水邊村鐘鳴蘭若僧歸渡犬

吹茅簷客到門無枕篷窗不成寐滿懷離思向誰論

金陵酒興

奉使南行屬暮秋長途千里去悠悠青山滿眼遍京口畫舫連檣遮石頭撫景信知天地客感懷無柰古今愁一尊且作簪纓會痛飲厭厭夜不休

楚水吟懷

楚江秋晚淨無埃五兩高懸畫鷁開落日亭亭

催客去青山隱隱送詩來月臨湘水猿聲斷雲
冷衡陽鴈影回佳句入囊珠玉滿客邊誰與共
敲推

洞庭夜月

洞庭湖外岳陽城景到秋深月倍明金躍浮光
風欲定璧沈千影浪初平君山隱隱連雲氣湘
水悠悠到鴈聲遙想登樓清興足倒騎黃鶴去
吹笙

湘江煙雨

瀟湘兩岸樹模糊
煙雨霏微似畫圖
鴻雁影斜風正急
鷓鴣聲斷日將晡
帆從青草湖邊落
酒向黃陵廟下沽
無限淒涼禁不得
幾回回首望神都

貴陽山色

貴陽山色最清幽
客裏看山信馬遊
蛾黛千層朝雨過
螺青一抹暮雲收
人家結屋連村住
澗水浮花遶郭流
佳興滿懷清可掬
詩成頰向錦囊投

綉衣郭公詢知郡
博高君善誨諸生
畧無責報之意
因大書仁壽二字
嘉之予賦一律
用張其美云

侍御多能筆似椽
特書仁壽為君賢
吳興遺教尊胡瑗
太學諸生仰鄭虔
藜飯每甘心有樂
束脩頰却索無錢
願言終始全清節
應享聲名過百年

過常德留別李總兵

不覲芝翁二十年
相思每誦寄來箋
經行正擬

懽連日往返那期恨一天白髮無情催我老青
雲有路讓君先明春尚得趨朝便肯約歌呼醉
畫船

松島春雲

攬秀軒
八景

積石移松滿戶庭春雲飛繞似林垆日烘瑞彩
香盈蓋雨濕濃陰翠滿屏三徑飄揚迷鶴夢半
岩舒卷帶龍腥呼童淨掃窗前影自起揮鑿斷
茯苓

荷池夏雨

新鑿荷池引水通雨深花滿趣無窮盤傾珠顆
齊翻翠衣露霞綃半折紅四座涼生風細細一
簾香沁霧濛濛此中清景真堪賞何必移家住
灤東

林亭翫月

林亭明月趣偏嘉知是滇南好事家一片寒光
清屬影十分秋色瑩無瑕翠盤香露翻金粟荷
蓋西風老桂花恍似水晶宮殿裏幾回忘却
在天涯

雪屋焚香

吟窩新結小崆峒靜蕪名香趣不窮四壁晴雲
生夜白一星溫火吐春紅水晶簾靜詩魂爽銀
葉爐深鼻觀通睡起只疑春色暮滿簾飛絮月
朦朧

草砌鋪茵

東風芳草正芊芊
草砌鋪茵亦可憐
疊翠不當車馬徑
生香偏近綺羅筵
蒙茸雅稱遊人坐
葱蒨猶宜醉客眠
想見明公行樂處
只疑身在碧

雲邊

花臺簇繡

春滿亭臺日乍長
百花生開遍關新
粧錦屏高映秋千索
金縷深圍蹴鞠場
幾陣輕風嬌弄影
一番微雨細生香
東翁最喜留賓醉
更爇銀燈看海棠

太華來青

排空高插淨無埃
萬朵芙蓉暎日開
柱笏嵐光和露滴
卷簾晴翠撲人來
地連金馬岩峩聳勢

壓青螺宛轉回我欲題詩最高處凌風飛上紫霞堆

商山聳翠

重重秀色翠模糊展出天邊一畫圖瀑布喜看飛壑瀉盪曾時見斷雲孤千尋玉柱排青笋九疊金屏上錦蕪最愛初經風雨後滿林香霧亂禽呼

題小景

綠樹橋頭路轉迴水光山色映樓臺扁舟蕩入

荷花裏知是遊人避雨來

題便面

碧天如洗月團圓露滴松梢夜氣寒記得畫船經赤壁酒醒詩就倚篷看

題宋徽宗瀟湘鵲鴿圖

御墨淋漓玉數枝畫圖瀟洒使人悲春風鵲鴿湘江景不似龍沙夜雪時

附顧祿

字謹中華亭人

夜宿郭道士山房

珠宮夜無喧瀟洒絕壁下天高露氣澄溪淨月
光瀉孤吟虛館秋獨宿空山夜何當謝九塵笙
鶴擁高駕

雲巢歌爲陳煥文賦

我本雲間人夙契雲山緣聞公巢雲處愛作雲
巢篇公家雲巢在何許會覘秀出雲海邊山頭
日月白雲起雲峰萬朶浮青蓮山人結屋入雲
去置身直上雲松巔雲蘿千尺覆戶外檻下百
道來雲泉雲翁住其下日與雲周旋或攜雲鶴

遊或伴雲龍眠飡雲英兮漱雲液被雲衣兮駕
雲輶有時看雲發高詠落筆徃徃凌雲煙浮雲
世事豈能絆蕭散自是雲中仙我欲乘雲走和
覓雲路峻絕難負緣爾來山人棄雲出我今亦
是青雲客雲騎橋南古汴津一笑相逢雲水白
問公別雲今幾年側身東望雲茫然又掛雲帆
拂滄海歸去自種雲中田

次韻夜泊

海近潮初上江清天倒流故鄉頻入夢此地獨

歷代詩選 明顧詩中
維舟落鴈沈霜鏡潛魚避月鈎不眠催早發歷
歷數更籌

秋夜

一寒一暑相推移四序平分秋最悲山川蕭條
草木萎金風浙瀝吹羅帷夜何長兮晝何促欲
眠不眠歎幽獨樓上寒更聲斷續飛蛾翩翩繞
殘燭

泊舟夷陵

落日官船駐驛亭秋風城郭古夷陵秦燒舊土

猶存黑禹鑿高山半擁青萬里風波勞遠涉九
霄雲路阻蜚騰令人却憶文章守夜向西崑接

夢靈

石倉十二代詩選

明卷之四十八 終

歷代詩選

明
歷代詩選

卷三

